

痘能依期灌漿結痂如螺螄靨者毒從外解爲順若
膿未足忽靨旣足不靨反致破爛或靨時泄瀉膿血
渾是空泡忽然乾枯者是名倒靨由中氣不足毒從
內入用內解散使頭面已破者復灌漿遍身無痘處
復出一層謂之贈痘謂之補空又謂之翻生此正氣
補復邪毒外出雖遲延無害如久服補藥不效則不
治然有身痛四肢微厥瘡色青紫此外感寒邪腠理
閉塞血凝不行宜前胡化癍湯加獨聖散亦能轉起
有心煩狂躁氣喘譫語大小便秘渴欲飲水能乳能

食者此內毒未解外觸穢氣用仲陽四聖散煎湯調服獨勝散

身痛

痘發於皮膚肌肉之間氣以束之血以潤之醞釀其毒以抵於化正氣周旋而不舍毒毒氣變化而未成膿鬱而作痛必毒化膿成而痛止若肉如刀刻膚如錐刺始終痛不止大叫多哭此則脾傷肉敗不勝其毒是痛之變也或外寒相搏是初起而痛宜升發齊足卽止如升發痛不止而痘不齊者或熱毒內作

起脹而痛宜攻托漿足卽止如攻托痛不止而不能
漿腐者肉或血不能榮養瘡窠而痛宜養血回脫卽
止如養血而反乾陷痛不止不能回脫者肉若潰爛
無完膚能食不惡心而週身痛楚者易治

痘臭

臭有梟毒恣於陽明而肺金過於啓峻囊窠扭於薄
劣而脾土不能完固破損潰爛流膿出血膠粘泄氣
毒透外而臭達焉或兼以時令暄熱衛護之者不能
潔淨床舖更換衣衾或多飲湯水滲入肌膚水火相

激臭則泄其梟毒而不至於殤若臭而爛遂戕其元氣竟難全活然皆脾與胃之運用使毒發泄於臭氣中此脾胃作癰以後事也若臭氣如平人胃口氣者及口中牙黃氣者皆吉此脾胃平日之正氣也有漿有粒者或靨或破者囊不盡脫者紅活見血者身熱氣蒸者不癢不燥者無害口中惡臭者口中惡臭有氣者周身臭如死蛇氣者發臭飲食不進者皮肉黑爛者頭額脫皮者指爛入筋者陽球爛穿者兩液汗不乾者必死臭而痛宜養血臭而潰宜補氣臭而發

癢宜攻補兼施、

蛆痘

蛆有二種、有氣化、有形化、氣化如身體生虱、初非有自、痘之有蛆、蓋火毒薰蒸、七八朝後、漿破潰爛、毒尚壅於皮毛、真氣不能充拓、而醫者失於扶助涼解、或被風寒、或感暑濕、或觸穢氣、外邪與內毒相搏、氣結而生蟲、形如小茴香、色如蓮鬚者是也、將銀簪挑去、用白芷蛇床子煎湯、淨患處、如週身有漿、能飲食者吉、無漿不食嘔逆者死、形化如時令暄熱、不能潔淨

床席更換衣衾、蒼蠅聚嚙膿血、遂變而爲蛆形、如大胡麻、色如燈草者是也、亦挑去、用苦參、大黃、白芷、羌活煎湯、淨患處、洗換被席、卽將四味薰房幃、此爲形化、不關內毒無害、

黑痘

傳心錄云、墨黑色、天元足、壬癸實行漿、充滿、斬黃赤、玄齡種此、登元輔、伯宗廷試爲第一、斯名貴痘、初兄乾紅、頂峻根堅、至五六朝、週身起脹、忽變爲黑、痘形不改、其中原有玄漿、至七八朝、黑變爲黃、未週時遂

靨亦有半黃而遂靨者。余見此症多吉。宜養血清火。如歸地翹連等藥。忌用參耆。若云大貴。恐謬。蓋予看痘幾三十年。屈指荒村僻巷中。此種已經百計。未見其貴。至見點焦黑。此心肝梟馘酷燥。而玄池耗竭。此症多凶。黃連解毒湯。犀角地黃湯。參用。又有四五朝太陽兩臉忽變爲黑。週身間成黑泡。此變黑歸腎。必煩渴乾噦。此症多凶。亦用犀角地黃湯。

辨黃

痘漿既要飽滿。又要濃黃紅活。黃者中央正色。漿吸

乎脾其黃自潤衛氣不逆營血不傷囊巢鼎竦濃漿
澄注於中活動而不膩塞明潤而無死色漸次結辦
而生成若陰陽離其正氣梟毒肆其殘虐根巢薄劣
囊房夷委漿之澄注於中者辦膩堅牢一死塞而不活
乾蠟而不潤摸之凝結板定五經痺而一氣截謂之
辦黃若方廣天庭辦黃其餘潤活身不厥冷飲食能
進者癰毒必結於腦頂腮臉辦黃而四體潤美飲食
如常身體溫和者痘癰必發於肩臯肚腹辦黃癰啓
於曲池三里背脊辦黃癰結於軸尻骨如遍身如頸

項前後如頭面如眼眶唇上如兩脇陽球辦黃者皆死症凡痘囊固欲膿滿尤取潤活

筆磬

痘毒未盡留於關節而發或在曲池尺澤或在委中三里或在肩臑尻膝唯手足乃三陰三陽交會之處陰陽之氣不通則毒留於此尺澤三里在上部屬陽易治曲池委中在下部屬陰難治由醫者不能養血理氣攻毒使四肢漿清患者不能時刻運動釀成此疾直而不屈如筆曲而不伸如磬故曰筆磬大忌刀

針敷圍活血散八珍湯參用久而自愈如痘輕漿薄
贈痘未出或感雜症或平素脾陰不足致成此症痛
叫不寧飲食不進口中乾熾肌膚乾焦者不治

悶痘

痘有悶而不發其狀似驚今俗所謂驚痘原非驚也
乃心火上熾而發其痘自輕此則痘毒本重爲風寒
暑熱所觸爲飲食勞倦驚恐跌蹶所傷若腹腰痛身
熱手足冷漸加腰軟背曲天柱骨倒唇黑口臭失血
脉細數或不數痘如聚粟時現時沒或出兩頤間或

反出四肢腰背上將絕時發斑而兼紫血泡者氣絕
後肌膚如舊痘點俱沒者或週身忽變青色者此種
悶痘火毒既深重傷外感卽無外症痘出亦死有痘
毒本輕外感太重唇間兩頰先見三四點粗大圓正
但色淡無神煩躁不寧大渴引飲手足亂動唇乾齒
燥漸加口臭氣粗痘點不增不長稍寧靜痘形如舊
一煩躁痘形遂沒如是三四日必悶鬱而死此非死
於痘而死於雜感所傷醫未得其治也裏實傷食用
小承氣湯然後進以發表傷暑熱用小無比散煎服

傷大寒用麻黃湯如內爲鬱火所迫外爲寒氣閉銅黃連犀角先清之次升發以表之須察脉審症隨機應變固不可造次亦不可緩醫令其病解痘出痘仍稀朗易成若昧於治者則命殞無及矣

樣痘

家中患痘時氣與毒氣相沿纏及於未痘者幾顆紅腫痛極此非已之正痘乃樣痘也有朝夕伴險痘冒毒相染者爲過痘若樣痘卽家中極輕者亦有此症李少陽曰兄樣於弟叔樣於姪者順姊樣於妹男樣

於女者順，反是則逆。凡樣於人中兩傍及兩頰者順，天門兩太陽者險。樣至三五七日，身體忽熱而發痘者吉，過七日後而發熱出痘者危。

賊痘

痘至三四五朝，忽有幾顆濃漿飽滿，是名賊痘。此痘一起，諸痘遂難行漿，漿亦不濃，速宜挑破。如賊痘漿膿皮薄，諸痘或淡白或嬌紅者，凶。如賊痘漿濃皮厚，諸痘形堅色正，無妨。此皆梟毒太熾，用大連翹飲。如週身磊磊一層，先灌漿者，此爲標痘，非賊痘也。不可

挑破是猶走馬回曆之意雖屬氣滯久後無妨

嗜痢

脾胃作漿漿行飽滿色漸蒼蠟而成痢夫痢者乃脾胃所成也脾胃爲土居中宮其色黃其味甘其氣馨香屬時毒氣未消則痢尙有不正之氣故不嗜食若毒氣已盡則痢純乎脾胃之精液所結痘兒視之甘香可愛嬰兒初無知識一體本性之自然故甫落便嗜食也若兒長則避忌矣試看牙垢泄屁及瘡膿水皆傍人所掩鼻者其氣本於中宮故在本身嗅之則

不知其臭、櫻兒之嗜痂、亦此意也。痂癬最宜多吃、義在反本還原、補脾胃、益腎陰。如有餘痂、宜加人參末、米湯調服、日後精神倍旺、

餘毒癰癤

痘長發之際、有作腫毒癰癤者、乃毒盛血熱、留連於經絡、不遂發洩、故於關節處忽發、只宜治痘、不可治毒、恐毒隨痘伏、內攻臟腑、遂不可爲。至痘後餘毒、皆由見形之後、應起發而不起發、應灌漿而不灌漿、或倒陷破爛、勉強用藥收威者、其間毒氣未盡發洩、欲

循經絡尋門路而出爲癰爲癤者。楊位易治。陰位難治。必審經絡分氣血虛實。以托裏解毒爲主。如初腫及未潰者。活血散十三味敗毒散。主之。已潰者。內解散。回漿散。主之。必加引經藥爲用。或決去其膿。以生肌散摻之。忌圍敷。恐流注不定。忌刀刺。恐膿水淋漓。久而帶疾。甚有不顧其內。專治其外。身熱煩躁。嘔逆不食。疼痛不寧。遷延時日而死。欲決吉凶。在見點澄漿。回靨時。察其毒氣已離臟位。不致內攻。雖患不殞。如爾時毒未盡出。漿色不正。痘辦不實。癍痕焦白。痘

毒遷延，多不可治。

自汗盜汗

凡人無故而汗出，爲之自汗。睡去而汗出，謂之盜汗。汗乃心之液，痘出而汗者，由毒火薰蒸而生熱，熱搏於心，爲邪所勝，故液不能內藏，溢於皮膚而爲汗。汗者，邪氣外洩，痘易出而解也。若汗出不止，熱甚爲陽虛，恐致癢癩潰爛，宜固表清熱，解毒風寒外客，身熱頭疼，咳嗽清涕而汗爲表虛，宜保元實表，肌表脆嫩，過用發表而自汗，此爲虛虛，宜從虛治，重帷煖炕，厚